

## UPUTSTVO ZA UPOTREBU

### ISOMAR sprej za dnevnu higijenu

**ISOMAR sprej za dnevnu higijenu** je izotonični rastvor morske vode namijenjen za svakodnevnu higijenu nosa kod djece i odraslih. **ISOMAR sprej za dnevnu higijenu** također je pogodan i za higijenu uha. Morska voda sastavni dio ISOMAR spreja, se uzima iz Cinque Terre (Ligurija, Italija).

### SASTAV

Izotonična stabilizovana morska voda. Inertni potisni gas: azot.

### NAMJENA

**ISOMAR sprej za dnevnu higijenu** se koristi kod prehlade, kašlja, bronhitisa, sinusitisa, astme, alergija. Pogodan je i za ljude koji rade u zatvorenim prostorima, naročito u prisustvu praškastih materija. Neophodan je za primjenu kod ljudi koji su imali operaciju nosa i kod onih koji hrču (hronična i akutna ronhopatija).

**ISOMAR sprej za dnevnu higijenu** se posebno preporučuje u pedijatrijskom uzrastu, počevši od prve godine života, zatim trudnicama i dojiljama.

**ISOMAR sprej za dnevnu higijenu** se može koristiti svaki dan radi povećanja vlažnosti sluznice nosa.

Kod djece koja ne znaju samostalno ispuhati nos, **ISOMAR sprej za dnevnu higijenu** pomaže da nosnice budu čiste.

Zahvaljujući fiziološkom dejstvu, **ISOMAR sprej za dnevnu higijenu** je najbolji proizvod za čestu i produženu upotrebu, kako kod beba, tako i kod odraslih.

**ISOMAR sprej za dnevnu higijenu** sa svojim alternativnim raspršivačem je pogodan i za čišćenje i pranje ušiju. Sprječava stvaranje čepova od cerumena i zadržavanje neželjenih čestica na početku moguće bolesti uha. Također, pomaže održavanje slušnog kanala čistim kod ljudi koji imaju slušno pomagalo (karakteristika raspršivača je da sprječava nadpritisk membrane bubne opne).

### UPUTSTVO ZA PRIMJENU

Nos: jedno ili dva raspršivanja u svaku nosnicu, po potrebi, do tri puta dnevno.

Uho: jedno ili dva raspršivanja.



ISOMAR sprej se može koristiti i u vertikalnom i u horizontalnom položaju kako bi ispiranje nosa kod odraslih i djece bilo još lakše i temeljitije.

**VERTIKALNI POLOŽAJ:** upotreba spreja u vertikalnom položaju omogućava bolji doseg svih žlijebova nosne pregrade te kompletno i brže čišćenje.

**HORIZONTALNI POLOŽAJ:** kod djece starije od 12 mjeseci, sprej primijeniti u horizontalnom položaju.

Za primjenu u uhu: čvrsto postaviti raspršivač na vrh boce. Tokom ovog postupka, može doći do curenja tečnosti, savjetujemo da raspršivač okrenete prema vani.

## **KONTRAINDIKACIJE**

Ne upotrebljavati **ISOMAR sprej za dnevnu higijenu** kod djece mlađe od 12 mjeseci. Ne upotrebljavati u slučaju krvarenja iz nosa.

## **UPOZORENJA**

Spremnik je pod pritiskom, može eksplodirati ako se pregrije. Čuvati dalje od izvora toplote, vrućih površina, varnica, otvorenog plamena i drugih zapaljivih izvora. Zabranjeno pušenje. Ne bušiti niti spaljivati, ni nakon upotrebe. Zaštititi od sunčevih zraka. Ne izlagati temperaturi višoj od 50°C. Ne koristiti istovremeno s drugim proizvodima za lokalnu primjenu. Čuvati van domašaja djece. Proizvod koristiti samo za predviđenu namjenu. Proizvod se može koristiti kod djece starije od 12 mjeseci, a primjenjivati ga mora odrasla osoba. Ako se ne očuva cjelovitost proizvoda, može doći do izmjene funkcionalnih karakteristika. Ne koristiti poslije isteka roka trajanja. Čuvati na temperaturi između 5°C i 25°C.

## **PAKOVANJE**

Sprej sa izotoničnim rastvorom morske vode za dnevnu higijenu, 100 ml, u kartonskoj kutiji sa priloženim uputstvom za upotrebu.

## **ROK TRAJANJA**

5 godina

**Proizvođač:** COSWELL SPA, Via Gobetti 4, 40050 Funo di Argelato, Italija.

**Nosilac odobrenja:** Amsal Pharmaceuticals d.o.o. Sarajevo, Igmanska 38, 71320 Vogošća.

Broj rješenja o upisu u Registar medicinskih sredstava: 06-07.4-1-3793-3/19